

桐梓縣志卷六

輿地志下

山川 關津橋梁附 井堰 場市 岩洞 古蹟 金石附 廬墓附

山脈

桐梓山脈舊以蒙山為祖形家又謂發自婁山抑知等而上之山尤有發脈之地乎攷之輿地崑崙南幹由藏赴滇以入於黔江出其南是謂苗嶺大幹自雲南宣威西逕威水南入郎岱經大定境而行於濛水以東者為別幹行於濛水以西者則正幹之支也自威甯西北得勝坡別於正幹而東北入雲南鎮雄西境又過其北而入畢節北境又東自七星山延入大定之海馬箐拉魯河源出其北又東五里曰火燒箐烏河出此又折南三十里曰椒子山治底又南十五里曰帽盒山山南之水皆注於赤水又南三十六里曰鳳山為沿路羣山之冠烏龍河源出其北由鳳山西行六

桐梓縣志卷四

輿地志下

黔南鉛石印刷局代印

十五里為文龍山大定郡城在西南麓又由鳳山東行五十里曰九龍山黔西遵義山脈皆祖於此定節大其由大定入黔西者由九龍山經花竹大山獅子山黔西州城等處百餘里而達於杓裏箐在遊黔交界處其由黔西入遵義者由杓裏箐經白雲山亦曰岩孔九子嶺等處百餘里而達於金鼎山

按九子嶺之下金鼎山之上中間尚有馬鬃嶺花尖山雞公嶺等山均為遵桐過脈之山

其由遵義入桐梓者由金鼎山經白雲台湘江出其右海龍壘等處百餘里而達於大樓山板橋水出其北山脈至此交桐界矣樓

山在縣城南二十五里故形家以大婁山為縣治太祖山按通志圖說遵義山脈自永甯雪山關蜿蜒而來過仁懷之關



門壘轉折盤曲特起崇巒為郡城之鎮山碧雲峯山旋而右者為綏陽之桑木關正安之龍洞關旋而左者為遵義之海龍壘又左為桐梓之婁山關據此則婁山真祖山也

大樓山東經綏陽縣之中崗曲坳等處至和尚堡源出此北轉而達於蒙山迴環一百餘里即夜郎箐故舊志以蒙山為縣治少祖山

按蒙山相傳唐蒙開道信宿於此因以得名在城北三十里知府孫敏政建玄帝宮於上故稱祖師觀其山所出之茶名雲霧亦奇產矣蒙山以南境內山脈分別如下

其正支由蒙山行五里至大營山又五里至龍台山又十里至天祿山即慶角山在北十里故舊探稿以天祿山為縣治名貴山

按(華陽國志)警有犍山永保乾圖疑即此山

桐梓縣志 卷四 輿地志下 二 黔南鉛石印桐局代印

又至天祿山南行五里至虎峯山二城後又一里至倉龍山又半里為榮德山背山為城縣治在焉

按虎峯山有榮德廟即明縣令洪維翰殉難處內有銅佛制甚古前有二泉一清一濁四時不涸附郭第一名勝也

縣治以東山脈 其脈發自大樓山脊多屬一區地段按照距城里數列表如下

距城數里 山名 備攷

二里 魁山 孫志夜郎箐回龍顧祖懸崖百丈故曰魁山

三里 東山 黃志接連魁山山近之馬村壩產茶甚佳人民利之

四里 石山 橫列楊村溝上白掬蔭翳別有風景

五里 插旗山 楊村溝三峯排立上有亭泉可為礪堡



六里 七堡山 黃志堡譌寶一坡七堡其上傳天鎮墓在焉

八里 轉去聲山 今名篆窩兩泉分漑流入楊家河

十二里 岳生山 與獅子崖對峙即牛心山黃志誤為二山

同上 鼎山 形若覆鼎南宋時設縣於上明初廢

同上 風崖 在鼎山後里許四時多風故曰風崖黃志誤峯

里十三 石女山 孫志山側有石如婦女狀俗名石老婆相近有

石公山

里二十 馬桑坪 黃志山頂平闊可屯萬人

里五十 大壩 此壩自石炭關分脈而來至此則為過峽之地

按石炭關山脈下行至大壩溝上列三峯山

形魁偉火星透頂形家稱之周毛二公祖宅祖

塋均在前面

桐梓縣志 卷四

輿地志下

三

黔南鉛石印刷局代印

三十里 白崖 今名官崖界近綏陽

三十里 獅子山 兩山相向如獅對眠

五十里 威猛山 氣象崢嶸故曰威猛黃志上

同上 羅武山 黃志交綏陽界即踞白崖巔頂

六十里 燕子崖 兩岸對立中有兩塘水日三潮

九十里 九龍山 黃志相近有明月山

一百五十里 疋練山 黃志載東北一百五十里疑有誤

按白大樓山迄夜郎箐山脊橫亘沿路分支由高趨下繞順溪流溱水以東各支山脈均由此出續修府志採稿乃東渡溱溪而逆行之對於山脈似不分明故據何志略修正之

縣治以南山脈 其在溱水以北發自蒙山左右溱水以南發自蒙山之前其經過地段由一區而交於二區按照距城里數列表如下



里距 數城 山名 備

攷

半距 里城 花園堡 山形團聚周封翁煥齋墓地在此

同上 雷臺山 上平如鼓縣治之近岸也

一里 中營山 接連雷臺均由楊柳坪沿黑石溪南岸發脈

三里 篆山 團圍挺秀四面如一以上均黃志

三里 仙家崖 俗呼和尚崖崖下有洞相傳張道士夫婦於此

修身成仙龍洞灣之水伏流於此邱志

六里 寨子頂 上有古時營塹山南若獅口大吞參黃志

同上 牛心山 形若牛心與縣對峙即岳生山漢竹七郎之墓

並鄉賢傅元勳之墓在焉通志心誤星六誤半

黃志作五

十里 蟠龍山 孫志誤 橫攔葫蘆嶺下溱水由下穿過

桐梓縣志 卷四

輿地志下

四

黔南鉛石印刷局代印

十三里 壽國山 黃志作西於此開鑿明河即可永免水患

同上 哆口崖 與壽國山相連下為戴家溝外為水坎河今已

穿成捲洞特水大時洞仍難容故暗洞不如明

河之完善也

同上 大關山 與小關山遙對其下為水坎河

二十里 小關山 翻下泥溝子前出小水田

同上 陳頭崖 即陳頭箐有陳國公廟相傳土司陳信居此由

東直下為柵木廠康熙中在此採運柵木前交

邊界過釣魚台上分水嶺水坎河之源也

五里十 大樓山 黃志謂漢書不狼山警水所出疑即樓山蓋樓

狼雙聲接連之朗山朗狼亦雙聲可知樓山朗

山即漢之不狼無疑惟大樓山高故又當以大



樓爲主義

六里十 兩尖山 黃志作小金山遠拱馬鞍洞子河如帶環繞趙毓駒墓在焉

同上 營盤山 爲兩尖山左支曾經駐過軍營故名

七里十 金鳳山 爲兩尖山右支上有寺曰金鳳寺

三十里 金錠山 黃志頂高而裂亦名哆口山更有伴月崖在其山上

二三十里 臥龍山 黃志作四十里接連數堡

同上 金魚山 四面皆田中擁小山若魚浮水山頂有文昌閣

三十五里 九顯山 一崗橫立廣產煤炭上有九顯寺

同上 鳳凰山 展翅若鳳水由小水田來者曰橋孔伏流十餘里出羊福坎入漆溪

桐梓縣志 卷四

輿地志下

五

黔南鉛石印刷局代印

同上 車子山 周圍古柏有藤纏繞其巨如桶結成二太極圖

五十里 仙人山 與遵連界高踞羣山中圍一池新建華刹結小

水田諸山回環秀麗平田十里各成村庄賈志所謂桐梓原也 以上各山除花園堡雷台山

中營山外其餘各山均自大樓山前後出脈

縣治以西山脈 均自蒙山北路轉行西向由一區二區地段達於

三區按照距城里數列表如下

距城數里 山名 備

攷

九里 半山 清咸豐乙卯冬鄒神保結大營於山麓紫哨營

於山頂倚此攻城久始平之山之四面廣產煤

礦草

九里 婁子山 黃志誤作十五里山形如几趙天縱墓此



里十五 天字山

黃志無五

形若一字上疊兩重時湧流泉填之

為寺遙於三十里外對望龍罩台若舟之有尾

同上 柳板山

在天池寺之右並排三峯走九壩大路

何志

里十八 觀音巖

山形如大士或云石乳結成山產白沙石罌器

賴之

黃志

里二十 四岡

上有大紅豆樹咸豐乙卯蹇謬營此陣亡

何志

里二十許 金鷄山

山祇一岡近對四岡土著人家恒覺溫飽

同上

八里十 萬松坪

今名李子坪周環八堡土沃人聚右支為靛灣

左支為養馬池相傳為土司陳信養馬處

里三十 松岡嶺

上為靛灣九堡相環泉甘田沃

里四十 東木岡

岡長三十里其泉水冬溫夏涼飲溉一方

五里十 巖口山

明時趙文明墓此呼為靈穴崖下難渡河兩岸

桐梓縣志卷四

輿地志下

六

黔南鉛石印刷局印

有虎對跳遺跡

里五十 鳳凰山

黃志距城祇三十五里

同上 送郎壩

黃志

在龍罩台後面數峯起伏人行壩上為

送郎壩下五里為齋郎河壩上有大石在路旁

遠看之有門光緒三十四年七月初一晨刻穫

穀者見煙霧上冲石破三塊

同上 龍罩台

與天字山相對土沃米腴產茶尤佳一名楊花

台

同上 仙鳳山

山形如几前向筆峯

同上 仆盤山

形如盤覆頂有寺基

同上 朱家壩

左為高石坎右為轎子山頂結五小堡如橋頂

然交仁懷界



五里十 爬崖菁 下為高石坎往溫水大路

里七十 筆架山 形如筆架入蘆里界

里八十 手爬崖 兩崖作岸漆水下流原作狼渡河由蘆里赴二

郎灘運鹽路也乾隆時邑舉人金日瑄奉太守命於半崖修鑿之路始大通

百西里北 五座山 嶺岡綿亘突起五巒交仁懷界處草皆兩分道

光中山洞有石龍乘風雨飛出為雷擊斷其粗

徑尺發脈蒙山以上參黃志并何志

十百一里 石火爐 山脈本五座山由五座山經大壩口抵牛渡河

東岸橫亘三區全境其左沿途分為舖子山龍

洞山尖山子金頂山顯靈山其右分為尖子山

西寶山太平山大小崖門鐵燈山其形勢若石

桐梓縣志 卷四

輿地志下

七

黔南金石印稿局代印

火爐如龍背之脊骨而左右各山乃背脊兩分之肋骨也

按三區之山仍出脈於一二區所可羨者漆

水襟其左盤水帶其右論其形勢洵足壯觀

縣治以北山脈 其正支除大樓山回龍南向結成縣治外北行分為數支亦自大樓山蔓布於夜婁二里今為四區五區六區七區地按照距城里

數列表如下

里距城數 山名 備

考

二里 鳳鳴山 其形若飛鳳下山參孫志

十里 巖角山 卽天祿山鰲角高仰為縣治祖山何志

里十六 三座山 狀若獅子昂首曲腰掘其尻尾上建三寺後有

三潮井何志



五二里十 龍台山 黃志山腰有寺下出龍泉其粗如盤

同上 楚米坡 平播時楚人輓米至此以濟軍糧由南溪口到此五十里平坦可車

同上 大營山 上平下陡長數里有舊營址

同上 罐山 在楚米坡上同治癸亥營此擊賊

同上 夜郎箐 孫志作小箐口通志作夜郎小箐夜郎溪發源於右湊溪發源於左

同上 古跡山 卽銅鼓園下有一洞積成大池夜郎溪發源於此又有銅佛銅鐘銅鏡現存山麓廟中

同上 降珍山 卽孫志之降珍箐又名長岡俗呼頭箐

同上 道志 貞觀十七年置播川鎮後因川中有降珍山因以鎮為珍州

桐梓縣志 卷四 輿地志下

九十里 九龍山 連接九堡截然而止相近有明月山今無考

里一百 鐮尖山 山尖如鐮王正儒削平為寨後被官兵搗毀

三十里 巋巋山 龍頭高聳上有古刹其左開帳而下曰上

水遶再下曰下水遶其右開帳而下曰沿崖

作 中若釜形羅田千頃延至九盤關為黔蜀門

戶相傳此山有稜米究昔曾出米以食僧人

一百四十 柏香崖 上有古刹

一百五十 酒店壩 舊路向松坎河走木交口今向爬抓溪故成通

同上 貓兒山 邱志卽古之虹關距巋巋山二十里遙遙相對

同上 鑼鼓山 今呼半邊山在酒店壩之前界牌之上北防邊

同上 黃志誤合為一



警於此放哨新又何志有譚家山熊家山虎跳  
巖為冉氏殉節處距此不遠

以上各山均發脈蒙山經銅鼓原北轉內沿夜郎溪外沿  
鱷水界而分支下走者

六十里 大寨山 山脈發於降珍山在夜郎溪之右

同上 山坡 古稱上天梯言其險也山谿之內鷓鴣時啼

七十里 大羅山 山脈接連大寨山

一百里 平頭山 距大羅山二十里在三元埧對峯山之左麓有

櫃巖俗呼拖喪巖詳古續門

一百二十里 白馬山 嶺上起峯白雲常濤如馬之聳參黃志

一百五十里 層巒山 附邑庠敖象南本山紀事 層巒山原名竹子

梁梁下陡峻一線蜂鬚半箭許名田壩口右有

桐梓縣志 卷四

輿地志下

九

黔南鉛石印刷局代印

厂名後洞咸豐丁巳夏積犯幸多才据此劫掠  
旋招敖摸摸穆遇鵬等入夥為契盤踞層巒以  
為山寨其正頂曰礮台大營哨營水堂子水冬  
瓜中層曰百于殿奈河橋閣王塢陳家崖嵌下  
層曰下洞天生橋牛心子小壩口黑嵌自田壩  
口左連厂約三四里曰順風山鷄公嘴由後洞  
轉灣另一巉崖深箐曰馬流光樹與層崖對峙  
中有險徑通九曜山自九曜山雞公嘴順風山  
後洞至馬流光樹形若長虹約三十里環層巒  
山而立惟黑嵌一面臨溪獨缺層巒之狀如植  
雞冠於玉玦中其分踞各賊援應如常山蛇焉  
經王正儒平定後將令改名平巒山



一百六  
里 銅鼓山

白巒層山左支西出約距四五十里為轎子頂  
銅鼓山是山有楠木洞觀音洞獅子洞馬腹洞  
小河洞穿插洞而楠木洞口時見巨楠一株隨  
水出沒相傳明季奉旨採楠時代倒入洞因以  
名洞云 以下節  
同志

一百八  
里 石筍山

白巒層山折而東行約四十里為石筍山高出  
雲表與天池相望對面即螺蟹埧近有康家洞  
余家洞趙家洞胡家洞相傳各姓據此為險故  
名還有高洞巖門洞扶變洞四保洞互相倚角  
咸豐戊午方翼長定中解散之

一百四  
里 白虎山

沿天池北行約五十里交正安界之分水嶺相  
向有回顧螺蟹之白虎山俗名大白貓頭向螺

桐梓縣志 卷四

輿地志下

十

黔南鉛石印刷局代印

一百八  
里 木瓜山

蟹相傳該地五穀每被此山暗食土人建觀音  
廟於口內由是獲收中間有梭刀巖極險峙

在木瓜廟場外左有馬腦洞右有石倉崖其形  
如倉相傳昔曾出粟壳為綦江插入之境 黃志

二百里

沙盔頭

其白虎山旁支折而西行為青龍山雙鳳山按  
青龍山俗呼關門石雙鳳山俗呼蚊虫嘴山各  
有洞與崗炎洞相望白沙盔頭山頂有水池名  
犀牛塘不涸亦不溢禱雨極靈

二百八  
里 鼻窠山

自分水嶺北行二十里至尖峯嶺突分九岡折  
下走為鼻窠山酷類鼻窠因以名山左有木姜  
山右有龍子岡距離頗遠其下有穆家洞趙家  
洞白家洞範圍之咸豐內辰梁二同三同兄弟



據此作亂倚爲天險招集穆遇朋起大伍白小滿等日與婁光吳弟兄讐殺戕官擾民勢甚猖獗經數年始平

三百 寶隆山

自尖峯嶺北行踰絲栗箐火燒寨中山寨仙女溝龍身崖石柱巖木老林蟠龍河各處曲折行約七八十里爲寶隆山其山有山羊洞持火入至亮嵌上樓梯三十二步左折六步方至洞門有仙女洞相傳時有神女處士王烈光八景詩有橋頭仙女插紅花之句餘如仆地洞草盆洞余二洞均極險要

二百七 三界山

自寶隆山折西而行四十里至三界山交南川正安二縣界今呼頂青每遇邊警頂箐亦出兵

桐梓縣志 卷四

輿地志下

十一

黔南鉛石印刷局代印

要路黃志以爲二山者誤

二百六 石馬坡

自鼻窠山西下石馬坡左有虎頭城右有馬賴坎縣幕楊道南殉難於此

三百里 柏枝山

自三界山分支而來金佛山由此出脈是山產方竹筍若干大利行商以上參何志

同上 青山

自金佛山出脈由水溪溪上游經金銀廟至青山爲桐綦南三縣交界地輿地紀在南平軍東南九十里

二百七 雙鳳山

山上有寨山下爲麒麟寺自青山出脈距桃子蕩三里

三百二 景星台

自金佛山迴環經三層坎而至羊跳巖山高水寒耕種農民必至東鄉俱賃田撒秧始有收成



鯉魚河發源於此

二百六 南天門

自景星台出脈經江流琪橫亘南天門而分布第六區全區之山

同上 石人山

一曰石鵝山山頂有池二口池邊石鵝巍然獨立今鵝損壞山前二石人尙存一黑一白黑者坐如鄉塾之師白者立右揖讓如客真奇景也

同上 白雲山

上有寺曰白雲寺曾石寶鼓鑄私錢卽在山下老鷹窩川黔動兵平之

同上 九鍋箐

上有筆架山羣峯環峙高踞猶官坵之上猶正威墓出脈於此

二百四 老鴉箐

前有扶歡山後有老鷹崖煤礦山自九鍋箐出脈綿亘至龍山場草盆坳而止

桐梓縣志 卷四

輿地志下

十二

重刊石印局代印

同上 扶歡山

卽舊扶歡縣後山三峯插天上有池塘曰馬跑井萬曆時楊朝棟營此以抗官軍同治時修作寨堡一稱寨子山黃志分扶歡寨子爲二者誤

同上 雲峯山

上有寨堡在青羊市右其左支爲萬二坡寶堂寺扒大溝各山寨由此西行又結爲劉羅坪寨均同治初土人脩以避亂者

同上 象鼻山

卽寨壩山上層爲劉羅坪過脈之山形如象鼻下有銅鑪井黃志

二百五 插旗山

在劉羅坪南距扶歡場十里上有龍泉劉縱平播於此插旗

二百六 劉羅坪

寬四十里上住居民千餘家黃志就山爲寨桐界祇有大寨門小千口兩面餘皆綦界



按大寨山以下山脈其在夜溪東者均發自  
蒙山沿層巒鼻竅而至三界山由三界山而  
至南川之金佛山又由金佛山折回桐界而  
分爲六區各山推行至江津涪州大江邊而  
止因爲山形多曲道路直行距城遠近間有  
參差

桐梓縣志 卷四

輿地志下

十三

黔南鉛石印刷局代印



桐梓縣志卷六

輿地志下

水道

蓋聞南條之水江為大北條之水河為大此全國之分南北條也不謂巖疆小邑非江非河而溪水亦分南北焉桐梓孔道川黔巖谷深遂全縣之水發源蒙山斯山高出雲表橫亘縣境出山之水南北分流南條稱漆溪北條稱夜溪漆溪由赤入江夜溪由綦入江全縣小水沿途注之亦如黃河之不擇細流矣水道之分流均可按圖考見志水道

南條之水即漆溪水發源蒙山右側之長槽坡南流八里有板廠溝水入焉經過官巖打鞦韆石橋凡十八里至廻龍寺有小水溝水入焉

桐梓縣志卷四

輿地志下

十四

黔南鉛石印刷局代印

按小水溝水源出倒角流二十里至此

又五里至楚米舖有山麓龍泉入焉

按龍泉名珍珠泉從河底迸起激石成珠如盃如杯纍纍不絕諺云楚米龍泉浪滾珠是也今被人鑿壞不復如此

又五里至西山舖有風岩洞之水入焉又三里至後水有莊子頭之水入焉

按莊子頭源出瓦坎溝流二十里至此有三潮井在三座寺後深一二丈寬七八尺日潮三次或清或濁又有元田埧陂風岩等水分三堰灌通埧田數百頃又十里至兩河口有楊村溝之水入焉

按楊村溝源出天公廟流二里響水伏流十里出楊村溝曲折流三里至此相對有河堰計自天貓窰直達東門長七里



灌溉田穀四千餘石清光緒辛丑九月起工壬寅五月告成  
經邑令何鐵琴委紳畢炳南江開亮等協修

又二里至玉龍橋有小渠之水入焉

按鳳鳴山麓有龍井爲近城巨泉冬溫夏涼灌溉多田且堪  
煮茗

經過麻柳橋繞縣城東門達南門至硃砂河有黑石溪水入焉

按黑石溪源出治西楊柳坪山麓繞過山均爲黃龍溪南流  
三四里合井中常見二鵝羽色如金之金鵝井繞西南二門  
又合氣味香甜之天關香泉發於雍正元年於此而城內月  
宮池鏡溪池之水亦伏流來曾光緒戊申夏縣令王少農題  
池亭聯云亭祇一間三面月塘開半畝四圍山

又過硃砂橋至合口會洋江河之水洋江河者卽今之楊家河

桐梓縣志

卷四

輿地志下

十五

黔南銘石印刷局代印

也

有魁山下隙迸出之大水井沙埧井由田連阡陌間灌注來  
會之

洋江河發源綏陽界邊之和尙堡東南流經石板塘凡四十里  
至楠木橋有大溝之水入焉

按大溝水源出沙盤埧流二十里至此

流經黑神廟至渾水河有洞角之水入焉

按洞角一源何家溝流十餘里至毛埧入洞伏流十里迸出  
洞角一源綏界石門坎流經山茶合涼水井藍家溝二小水  
過白鱉溪亦至洞角合併出渾水河

又六七里過鐵索橋至水口寺有趙家溝之水入焉流經梅子  
洞上天門下天門曲折灤洄約十餘里至冷水泥有馬鹿岩之



水入焉

按馬鹿岩由鼎山麓之風岩洞伏流四里出此洞流三里併篆窩之水合流至此

又四里至合口兩水台流里許至官渡滙涉橋二里許至賀家灣有南溪之水入焉

按南溪源出婁山關半箐洞流經紅花園大木林合上水溝之水又合滾水井之水流二十里至此

經過方家洞周家洞有小河溝水入焉

按小河溝源出席村埧黃泥孔濫流六里至此

橫穿盤龍洞伏流二里許出馬江埧一里許入三消洞由新開河道入戴家溝經過五百餘丈暗洞而出水坎河焉

按水坎河源出遵界分水嶺流十里而楠木廠又五里至釣

魚台合洗足溪之水又六里接此新開河道尤有古池之水及溝水溪井水暗消來會

又五里至大馬孔有三消洞伏流入焉又二里至濁水潭有岸側渾水及養魚池暗消入焉由國公橋至吊絲岩有楊柳坪之水從岩洞流來入焉

按楊柳坪源出城西戴河溝流二十里由三門洞至木驢壩卽閣王灘伏流三十里至此一路有米溪渡官堂渡

又二里至恩灘又四里至中嘴有難渡河之水入焉

按難渡河一名狼渡河源出溱里黃河溝流十里至長生河又五里至什盤岩合流十里至魚泉壩兩岸大泉迸出又十里至周市壩有天池寺水流十五里來入又有煎茶溪排沙埧之水流十里來入又五里至虎跳河有龍罩台水流十里



來入又過鴨塘場二里至此有姚姓在此承渡年收田租玖石

又至兩河口有三叉埧水入焉

按三叉埧源出遵義北鄉流五里至沙壩又十里至混子場又二十里至丁村又二十里至馬路有鐵索橋又十五里至木口又十里至魚潛坡有小水田及馬蝗井水由洞子河流七里至小水田場又十里至官倉埧鳳凰山下伏流十餘里又會羊耳池馬渡暗消之水出此里許入正溜

又十二里至大塘口一名齋郎河有克土溝水入焉

按克土溝源出蘆里大山一盤水流十里至香樹坪又十里至羊眼埧又五里至齋郎入此有毛渡塘係里人王宏詩募設計中嘴至大塘口十二里克土溝水與二叉埧水想是一

桐梓縣志

卷四

輿地志下

十七

黔省鉛石印局代印

流

又十五里至麻子埧有木渡埧水入焉

按木渡埧源出治西五座山流三十里至落水孔又三十里至犀牛水又三十里至此有渡名漆溪渡

又二十里至哆水有馬路河水入焉

按馬路河源出遵義西鄉黑岩脚龍洞東流十里爲帶潮水又十里至兩河口一水自頭道河龍洞流出南流十里過焚井埧又十里來合又流十里爲大龍塘又十里至包紙坎又十里至袁家樓又十里至三各塘又二十里至楊萬村又十五里至觀音寺又五里至石窖塘又十里至廟崗又十里至落爐又十里入此

又十里至趙桶村有元埧之水入焉



按元埧之水經流園子十五里入此

又十里牛渡灘有岩孔埧之水流入焉又二十里至圓滿觀一名桑樹埧交仁懷界有銀匠埧之水入焉

按銀匠壩源出仁懷大壩寺流二十五里至銀匠壩又二十里至二夷場過踏脚廟又二十里至此

又三十里至官木巖一名五老灘有官店水入焉

按官店水源出仁懷西流六十里流入桐界爲蟠龍水紆廻曲折勢若蟠龍又西十里至此

又二十里爲皂角灘又十五里爲米糧渡又十五里至鐵索橋又十里至兩河口入赤水界

綜上皆南條之水也共計長約二百三十里

北條之水卽夜郎三溪水發源蒙山右側之銅鼓原流二十里

桐梓縣志

卷四

輿地志下

十八

黔南鉛石印刷局代印

有麇角山之水流二十里入焉又五里至泇水有羅溪溝水流二十里入焉又十里至三坡有茶店小水流數里入焉又十里至新站有後水入焉

按後水源出綏桐交界之漏明箐流過渡塘十五里至後水又有李仆巖水流十里來入

又五里至三泇河有石場壩水入焉

按石場壩水源出夜郎三甲貓跳溝流十里至梯巖有木杆溝水流十里來入又十里至石場壩有乾河溝水流二十里來入又二十里至此

又五里至蒙渡有夜郎壩水入焉

按夜郎壩水源出黃山壩流三十里至岔口有窩匠溪水由九壩脊大木杆流三十里來合又有仁懷杉樹堡水流十五



里來入又十二里至油榨房有撮箕口水流二十里來入左有黑龍江之水流二十里來入又十二里至蒙渡爲漢唐蒙開道濟渡處有洋桃枯根徑尺中空水從內湧名洋桃井舊有普渡橋今圯省長周公令商會長牟子玖督修由民國十六年起工至十七年夏又被大水坍塌重加工役今始告成又二十里至城隍寺有七陣溪水入焉

按七陣溪水源出梅地流十里至此

又三里至三元埧又五里至清水溪有羅猴田水入焉

按清水溪水源出龍洞寺流七里至羅猴田又六里至清水溪入此

又五里至打寶舖有西山溝小水入焉又二里有象嶺崗小水入焉

志桐梓縣

卷四

輿地志下

十九

黔南鉛石印刷局代印

按象嶺崗水源出黃蓮埧後臂流二十里至九空巖又三十里至此入正溜

又五里至松坎左有爬抓溪水右有毛埧溝水入焉

按爬抓溪源出崑龍山下之牛心山流十里至黑神廟有石筍溝水及西北山麓各泉同流下溪共十三里至此毛埧溝水源出猿猴溪流十六里至此又有左右二渡一沿汎後石壁而入沙灣一沿馬鞍山而入黎氏壩尤有上渡下渡及黎氏埧官渡

又五里至底水有水柴埧水入焉

按水柴埧水源出蠶麻塘流十里至馬腹洞出牛曬巖又六里至此

又北流三十里至兩河口有木瓜廟河水右來入焉



按木瓜廟河源出大溪河及螺蟹安福溪合流十餘里至楊泮水之母橋口有板坎溝水來合數里又有芭蕉溪牛渡河紅溪河等水來合數里至貓岡左有黃木廠之水右有車家溝二水來合流並里過水銀溪至黃魚窰有楠木洞瀑伏流來合晝夜百盈百竭若應刻漏之數似有橐鑰莫測端倪行人以石擊之點滴罄盡又擊之涓涓流出旁有肥魚泉瘦魚泉以出魚肥瘦得名又二十里至木瓜廟有水埧之水發源白鷺穿經魚潛溝流二十里來合又過馬老洞約二十里至此

流交綦江東過三灘出三峽又三十里至牛舌口又十四里至龍窗子又四里至二郎峽一名跳魚洞有三汊河自左來入焉按三汊河一源巽龍山下哆口巖過梧桐坪共流十里至馬

巖塘又十里至觀音橋又二十里至此一源風簸廠流四里至九龍山又八里至龍門寺又十里至後溪口又五里至此合流七里入正溜

又十六里至白石埭又二十里至趕水鎮左有溫水河右有早渡河俱入焉

按溫水源出仁懷縣北之溫水汛流四十里合犂彌埧之水入穿洞伏流十里出張師埧又十里至兩河口合來自桐梓巽龍山西麓流經水遠之水又五十里至謝家街入正溜

按早渡河之水即東溪之水東溪爲三溪之一唐曾於此置三溪縣蓋謂東來之溪非綦鎮東溪也應另提綱

早渡河發源南川德隆場之孔聖堂流三十里至頭渡橋有廣家埧河入焉又三十里至小河埧又二十里至界牌入桐梓境



又二十里至獅溪場有八培村小河入焉

按八培村小河源出柏枝埧巖半品出三畧澗田千畝二十餘里來入有魚泉湧出如盎四季泛魚形狀各別

又四十里至三岔廟有火燄洞之水入焉

按火燄洞在馬額坎下源出芭蕉埧寶龍山海孔溝及南川草埧場四小水伏流四五十里至此洞湧出流經水埧塘場下又有木姜山洞之水來合據土人言洞中有蟒內伏光天化日猶時湧黃泥渾水又有鹽井河由分水嶺鼻乳山流三十餘里來入共十餘里至此有魚泉在葛藤壩尤有上官渡下官渡

又二十里至壩塘場有朝天馬源自青欄山對面來入焉又二里至麻柳灘有鯉魚河之水入焉

桐梓縣志

卷四

輿地志下

一一一

西南鉛石印刷局代印

按鯉魚河源出南川乾河溝流經上中下諸侯洞岸高水窄如門如洞而至九道河又合南天門橋頂生成石門之龍門潭水迴環九曲共七十里至此有官渡

又二十里至羊不場左有滴水巖瀑右有龍井壩河交入焉

按滴水巖壁立萬仞水由懸巖瀉下侵人毛髮龍井壩泉流清冷時而點滴全無時而噴溢四出為晴雨之兆有官渡

又二十里至長塘口有羊岡溪火石背各流二十餘里來入焉

按羊岡溪源出犀牛洞火石背源出桐油箐至此交滙有官渡

又二十里至坡頭河有九嶺十三壩之水西流三十餘里來入焉

又二十里至早渡河又二十里至趕水之中嘴與夜郎溪會入



焉

一路有銅鑼井巖水滴下聲若銅鑼有馬跪井遇旱祈雨水輒溢出二處均有官渡

由趕水北流復入桐境之陳家坵十餘里而出綦界之太平橋有條台岡之水自東溪場下流來入焉

按條台岡源出仁懷東北丁山坵經後坵共七十里至此有蛇皮灘官渡

流經羊蹄洞又四十里至犁淵灘有扶歡壩之漆溪自右來入焉

按漆溪來源一出南天門經板栗壩一出桐油箐經財興壩各流三十餘里至兩河口相合又二里至猶官壩有銀碗漕甕子塘兩水元後來入流出關口又十里至小河壩有獅子

桐梓縣志

卷四

輿地志下

一三一

黔南鉛石印刷局代印

橋及上坵各水來入又五里至扶歡坵場外接綦江縣志通謂之漆溪即唐代漆溪郡流域又五里高灘巖巖高二十丈又五里犁淵灘入蓋石洞正溜攷舊志以繞城之水為漆溪並參酌羣書源流甚悉而南平圖經及華陽國志又謂唐置漆溪郡在今之扶歡坵因漆水以名郡查扶歡坵在扶歡山下曾置扶歡縣於此

由犁淵灘流十里至蓋石洞復繞桐境二磴巖十餘里而出綦界之篆塘角有魚梁河自西來入焉

按魚梁河源出仁懷界經高廟場過郭扶橋合石龍場之水共流四十里至此

又北四十里至三溪場有蒲渡河自東來入焉  
按蒲渡河即葛溪亦三溪之一也仍另提綱



蒲渡河發源南川馬巒洞水溪合桐境景星台之水經由萬盛場過南川之東鄉埧復入桐境之二郎峽有播曾播州界三字石刻

又五里至桃子蕩有金蘭埧之水入焉

按金蘭埧水源出亂山間流五十里至此有桃子蕩官渡又四里有溪園之水入焉

按溪園水源出南天門脚之薄刀嶺流二十里至此有通坎坡之蜂窩子洞高巖壁削中露一門於山腰側開一路出入有一夫當關萬夫莫開之勢尤異者久晴久雨之後必吐出紅霧居民每以熾漫之遠近別晴雨之久暫焉

又六里至麻埧河有仙女洞之水入焉

按仙女洞源出青山及後河埧更鼓壩車壩之水各流四十

里至此爲綦桐交界處左右有水火二泉溫泉之水四時亦暖火泉之水其熱如湯又有後河埧之金鵝洞受更鼓壩之水越二三里而出下巖洞復由軍田埧會吳家橋之水經四峯碑下埧營而入車埧有白家壩响巖二處之泉水并來會之登更鼓埧景致絕佳人呼爲小桃源壩心有生成石鼓相傳能應更自鳴而响巖則孤巖壁立極高而險人至其地呼曰响巖亦應曰响巖故名之

又八里至蒲渡河一名母渡河有永城河水入焉

按永城河源出南川境內流五十里至此上流有江流埧渡三鍋莊渡車壩渡

又二十里至石角鎮有毛栗原天橋寺二水入焉

按二水流至觀音橋相合共三十餘里至此有播曾播州界



三字石刻

又五十里至三溪場合上流夜郎溪東溪二水而三溪之名始備

按三溪舊志均以熒溪東溪葛溪三水當之而注云熒溪卽夜溪據名勝志熒溪在江津縣東南三十里來至夜郎境則又三溪場以下繞綦城之水也若然是夜郎溪東溪葛溪爲三溪過此乃熒溪也附此以備參攷

又北三十里過綦江城至龍角溪有鹽井河自東北來入焉

按鹽井河源出巴縣分水嶺流合三角塘共五十里至此

又折西二十里至北渡舖入江津縣界又二十里至廣興場之清溪口有清溪河自西南來入焉

按清溪河東源出三溪溪西源出魚子溝皆自仁懷東北流

桐梓縣志

卷四

輿地志下

一四

黔南館石印局代印

合敷水爲清溪河約行二百里至清溪口入正溜卽輿地紀勝所謂奉恩溪也

又西北六十里至武場有孫溪河自西南來入焉

按孫溪河源出江津縣西北流經清平場過李石埡共百餘里至此

又北二十里至南江口入大江

綜上皆北條之水也共計長二白里有奇

(元和郡縣志)三溪縣以縣內有熒溪東溪葛溪三溪合流爲名

(元豐九域志)隆化有熒溪

(太平寰宇記)熒溪自三溪縣西北流經丹溪廢縣又北經南川縣東南四十步又北至江津縣南四十里西北流入大



江

（輿地紀勝）北溪亦名夜郎溪從夜郎境流過南平軍城下又東溪在軍之西北

（元統志）南江在南川縣衆溪會合至三溪口可通舟楫行三十里至綦市又至南江口入江

（名勝志）南江入綦江縣界其色蒼白名曰綦江又熒溪在江津縣東南三十里來至夜郎境闊三十步深七尺可通二石舟

（水經註）南江在南川縣衆水會合至三溪方通舟楫行三十里至綦市至南江口合於大江

（重慶府志）綦江有三溪一自桐梓縣坡頭河流四十里至綦江縣趕水鎮一自桐梓縣松坎流五十里一自仁懷縣李

桐梓縣志

卷四

輿地志下

一一五

黔南鉛石印刷局代印

漢渠流六十里亦皆至趕水鎮三派合流名三岔河（綦江縣志）謂自蒲渡河來者爲葛溪自坡頭河來者爲東溪自松坎來者爲熒溪不知東溪在趕水之下熒溪在綦江之下惟葛溪應以坡頭河一水當之其上流近地有名葛藤渠下流有名苦葛垸因此得名亦未可知若蒲渡河源於東鄉渠之上據趙牟氏墓志云家榮懿翁姑住新市僅隔一舍考南川亦有榮懿鎮卽今東鄉渠鎮子上以僅隔一舍度之一舍者三十里也當日溱州在今鎮子蒲渡河其溱溪下流乎且宋熙寧時熊本征木斗其後軍王光祖出黃沙坎查黃沙坎距鎮子僅十餘里以故行未夜半卽抵其地一鼓盪平改爲溱州據此則蒲渡河乃溱溪下流不可混稱葛溪至松坎一水發源於夜郎等夜郎渠之上劉縱征播凱旋曾有夜郎溪



題壁詩又祇可謂之夜郎溪不可謂之熨溪春堂羅氏乃謂  
溱溪在扶歡場外特據唐之溱溪郡言之彝憑趙氏又謂夜  
郎溪爲熨溪特據其下流言之均未按實詳求也

（水道提綱）綦江源出桐梓縣北境山兩源合北流百數十  
里曰松坎河受西南來一小水又北數十里有坡頭河自東  
北山來注之又北流西受一水又北九十里有三溪河自東  
來會又北七十里經綦江縣城東而北有龍角溪自東合三  
小水來會又折西流經城北又西北流有沙溪溝自東北來  
有清溪河自西南合三岔溝及魚子溪水東北流三百餘里  
來會又西北百里北受一水又北有孫溪河西南流合棋盤  
山水來合又北至江津縣東又北入江曰熨溪口（綦江縣  
志）按府志所云只是趕水之三岔溝去三溪鎮遠甚據形

桐梓縣志 卷四

輿地志下

一六

西南鉛石印刷局印

勢應指自坡頭河來者爲東溪自松坎來者爲熨溪自蒲渡  
河來者爲葛溪方於三溪爲合（元和郡縣志）溱州以南有  
溱溪水因以得名

（貴州通志）溱溪在桐梓城東一里齋郎水在城西六十里  
古有苗名齋郎者居此故名流出縣東達米坡至米糧渡會  
赤水河入大江

（水道提綱）齋郎河東自桐梓縣東北山水合龍崖山水西  
流經縣城南西流百七十里又北合一水西南流會赤水河  
附錄晏斯盛黔中水道考

自莊躋略地椽船且蘭而牂柯江始出然循江循沅（前後  
漢書）異指江沅番禺莊躋唐蒙殊歸桑欽酈元西南未覈  
山溪分台略而不詳予既著牂柯江論復據遊覽所經考證



圖志記其水道存隅識焉黔處萬山中形勢紆迴分著微渺所爲茹納羣流吞吐豁壑達江赴海聚衆水而經之者曰烏江曰盤江曰濛江曰銅仁江曰鎮陽江曰清江曰都江烏江卽夜郎水出修文縣西北之陸廣河其上自威寧州之八仙海營菩薩汎露州各溪澗流出過畢節縣西南七里山下爲七星水有關曰七星關溯威寧道滇南者多濟此元馮福可詩曰點蒼何蒼蒼環以西洱河百年雨露恩詎敢煩天戈轅門振烏撒衣帶險牂柯巨險久已平故關尙陂陀云胡七星關亦復重不磨此已知其微塞矣今有橋曰七星橋明嘉靖間道人黃一中建橋西南有黑水注之或曰卽黑特川元大德五年劉國傑破蛇節宋隆濟於墨特川倘此地耶又東流至大定府西南有落折河自府城西北二十里當兩山間

桐梓縣志

卷四

輿地志下

一七

黔南鉛石印刷局代印

破地吼出南流來注之又東過府治南東流右得以財河又東左得烏西河又東爲六歸河又東右有鯪朶河合武着墮極織金等河水自平遠州界黑勝牛場汎東流來注之又東北有西溪河合楠木溪水東南流來注之又東至黔西州東南爲鴨池河有渡曰鴨池渡兩岸如劈崇崖如削黔西大定要津又東至修文縣西北是爲陸廣河距修文五十里舊爲水西驛道有渡曰陸廣渡明王文成公曉發詩曰白鳥去邊迴驛路青崖缺處見人家謂斯處也有水自安平縣東南界東北流爲落陽河又東北至清鎮縣城西爲滴澄河又北與安順府東南之九溪河北界之三岔河谷龍河下流合而東北流來注之又有三潮水自修文縣北流來注之又東左合白花箐水又東左合沙溪水有渡曰黃沙渡又東有羅傅大



河自永寧縣東南過遵義府西南流來注之又東過修文縣  
養龍司北是爲烏江唐李學士白流夜郎有烏江留別宗十  
六環詩所謂白帝曉猿斷黃牛過客遲遙瞻明月峽西去亦  
相思者蓋其地云今有渡曰烏江渡關曰烏江關黔屬要津  
又東得刀靶水又東得養馬水又東至開州界北遵義府綏  
陽縣西南有渡曰茶山渡有水自桐梓縣西南正安州西至  
石子坡南過遵義府西南入湘水右合綏陽縣北之源溪水  
朗水傘水厚水南流來注之又有三江水自湄潭縣北合擘  
溪渡上關花水湄溪大桐溪馬渡溪角路溪大溪諸水從廢  
容山司至望浦合流北來注之又南有渡曰落汪渡右合渡  
口水又南有洗泥河水注之東南至巖門有南明河水來注  
之南明河出貴陽府廣順州東北阿沙垠龍潭合濟番河會

桐梓縣志

卷四

輿地志下

一一八

黔南鉛石印刷局代印

一宿河尤愛溪上馬橋河四方河過中曹司至府城西南左  
受黔靈山諸泉水及澤溪貫城河水東過府城南右得富水  
又東南得龍洞河黃泥哨牛渡河諸水東由湘子口喇平司  
迤北至巴香合平代三岔河八字河所匯實定縣城西之甕  
城河再過平越府西界之清水河一曰皮隴江者東北經開  
州東南由天星橋八吊口棉花渡而東北會於巖門巖門在  
開州東甕安餘慶二縣西北有渡曰巖門渡爲黔楚蜀通津  
波流湍激合沓淵澎固衆壑之關竅亦一川之區要矣又東  
至龍泉縣西南有渡曰葛閃渡又東南有甕水高坪水袁家  
渡水白崖河水滙爲江界河合餘慶縣之白泥司水佛山河  
水北流來注之又東至桶口有水自餘慶縣東南界北流爲  
滿溪合石阡府之龍底河凱科江洋溪深溪樂回溪等水東



北流注之又東爲三江口思石平遵通津也江楚商旅由銅江陸行者多自此濟蜀賈鹽艘溯思南而上者亦多泊此其西有得勝關又東北流有水自龍泉縣東南流來注之又東流過思南府城南是爲德江有渡曰德江渡又東有白鷺洲浮沙清淺巖濺江心遊觀者泥焉又東得鸚鵡溪水其西有石門焉唐史載牂柯境內有石門山此其是耶又有思印水從印江縣西北之朗溪流來注之又東過婺川縣東左有豐樂河得煎茶溪水登龍河水合洪渡河倒羊溪水東來注之又東過婺川東北界而達涪州爲涪水通於蜀入於江一唐史一稱城樂縣西一百五十里有涪陵水一方輿勝覽一稱思州有巴江水者是也盤江廣輿圖以爲牂柯江水出滇南小金沙江至威寧府界東南流爲可渡河有橋曰可渡橋山曰

分水嶺威甯舊烏撒衛也明鄭旼曰予弭節西南抵烏撒普得歸驛驛門對可渡河壩詢水所從候史稱水在西百里注壑而出流爲盤江又曰越衛城北二百餘里有七星關河源部芒界濱城海子通水西境會可渡爲盤江第山水峭險猿猴叢居以是人無因而至據今七星關水爲分水嶺所界東出烏江不注可渡又小金沙江一名北金沙江來自吐番由雲南麗江府之塔城關入中國經鶴慶姚安武定東川諸府至四川之叙州府與岷江合入於東海與盤江之從粵以入於南海者源流迥異則鄭氏後說與輿圖所載俱舛矣可渡河又東南流迤西至木東汎有花魚洞水西來注之又南至龍場汎有水自曲靖府界流來注之又南至南縣東北有落白河自曲靖府界東流來注之又東至永甯州西安南



縣東是爲盤江有橋曰盤江橋爲入滇孔道兩山夾行水勢湍駛不利操舟亦難架石明參政朱家民治鐵爲纜懸兩岸間覆以板東西各建樓堞行者賴之尋爲賊毀國朝經略洪承疇統大兵定滇濟此復完之至今歲用修繕不廢盤江又南至普安州東又南至九盤江迤東至花江汎南有白水河得永甯州北之關嶺琪陵橋水南流至鎮甯州西而南合菜子河水至甯谷司又南合永豐州西北之打罕河南來注之又有拖長江自普安州沙泥崖東南流來注之又有卜者河軟橋河板橋河東南流來注之又南麓府有都城河自安南縣界得江西坡水至高武汎西合馬畢河南流合魯溝河過普市合大坡哨水東過府南境而東流注之盤江水又南至永豐州西南而東南過泗城府入於粵達於海濛江出定番

桐梓縣志

卷四

輿地志下

二十一

三南鉛石印刷局代印

州之濛潭俗亦稱牂柯江水水東南流有玉帶河從州北二里來注之又東有洗馬河從盧番司東南流注之又東南有環帶江合金石司之廻龍江羅番司之羅番河流注之又東南有雙峽水自小龍司東南流折而西注之又東南流有繞翠江臥龍司南流注之又東南有小溪水自洪番司南來注之又奔龍江自大龍司合大龍河東流注之又東南有底方河自方番司南合小番河雲溪水並注之又東南有冷水河從小程番司南合連江水東流注之又東南有腰帶河水自廬山司南合擺游河東流注之遂東過泗城州而歸於粵銅仁江又曰大江出西陽司界過提溪司西有提溪出濫泥山引流東南注之又東至省溪司南有宇羅水流來又有壘溝灣水自忠州府西都平司南而東流過府城南又東與星石



江合流爲施灣而東流來注之又東至沅州而入沅水以達於長江清江古曰劍江又曰長江舊陷苗境舟楫不通雍正七年總督鄂公爾泰巡撫張公廣泗奉旨清釐夷人歸誠題請開濬自都勻府至湖廣黔陽縣總一千二十餘里進行無阻江有二源並發都勻府山澗中繞城西南過都勻副司界左倚楊安汎右表琵琶木老牛角高基諸塘迤東至東獄廟前又東過八寨協營前協有城雍正九年新建前而太平汎雞買螳螂甲些代犁後負揚排大肚小肚左倚烏哇楊烏告嚴陀者良右夾楊堯斗與龍井寨洞延屬亦一聚矣自此而北左得舊豐甯司水迤東過麻哈州東南又東至清平縣界受平越府三江口水三江口者麻哈江馬場江牛場江也麻哈江一曰兩岔江又曰算水一發州西樂平溪一發州東香

鑪山東北流合勇勝溪凱還溪舟溪江山河北流至平越府東南馬場江廢府治西北從金橋東南流而注麻哈江牛場江廢府治東北二十里南流亦注於麻哈江是爲三江口其左有橋曰葛鏡橋距府城五里爲瀛黔孔道三江口水東流過楊老驛南又東至清平縣南界而注於清水江江水東至黃平州西重安驛南有重安江合高溪水自黃平州西而南流注之又東南過巖門司南又東過甕堪汎南凱里汎北而過舊偏橋衛東南至於丹江營北有九股河發源九排大山白雞港台拱東北流有丹江河自凱里流來過楊條與九股河合爲小江從西南流來注之小江兩岸容山司屬又東至下秉汎南稿貢汎北經交架董隴八稿八亮柳受而東至清江鎮北鎮城雍正九年新造鎮左爲董兜南脚右爲南埃階



東後接公鵝堡汎前夾柳利柳羅董敖寨洞連屬實一江之  
控制矣清江至此又東至下革東有水自上旁洞該捷交蔑  
烏順南琴西南來又有水自古州界之宰磨柳受下歹且西  
南來又有水自白羅宰統南來會流爲烏沙河東北流注之  
由此迤南包白堵伐迷發號趨賴培兜柳戶俾刀培牛而東  
至柳濟汎南流沿排敖柳再趨甲柳傍柳受排交南孟黃寨  
而東至天柱縣界之茅坪右合亮江小滴水東至沅堤塘塘  
崖絕壁有字摩挲可觀明永樂十二年總兵梁福等進討諸  
苗還所記也又東南過沅口至黔陽縣南入沅水而達於楚  
江古州江亦曰都江舊陷苗境雍正七年總督鄂公巡撫張  
公奉命清釐夷人歸誠黔粵舟行無阻其上源有邦水河出  
都勻府東南合三道河流入獨山州至爛土汎右合馬場水

桐梓縣志

卷四

輿地志下

三二

黔南鉛石印刷局代印

左合爛土司西南溪水東流爲都江其汎左有城門坡右有  
水巖塘西有獨山司東有巴開打鋤等寨明宏治五年副都  
御史鄧廷瓚鎮遠侯顧溥討爛土蠻蓋斯處也又東歷三脚  
壘小打孟南歷拉攬打略柳疊三汎經來牛寨而至來牛營  
營臨江北岸自營而下有風柳溝小溪北來注之沿楊翁楊  
邦牛羊場隴寨平字平裡賞耗俾背八匡而至高舊營南其  
北有小溪注之營臨江北岸歷高升高表而東過定日汎汎  
在南岸沿寨比孟冬滾董妙有八丰革赧至俾關汎歷黨略  
俾關滾左而至都江汎經寨沈孟潘蜡子而東至古州城西  
有溶江水自清江台拱界南瓦山流出行數十里經冷衣下  
台崩坡塘水經八寨會於升有過平昂稿科至古州城西北  
有車江水自清江高亮山流出經官州朗洞寨蒿寨側又有



水自黎平府屬之上洞流出經育洞巴王會於山州過列樂鄉月寨口寨田寨麥寨頭藏帑寨合於溶江下至古州城繞州城東南與都江會州城舊爲諸葛營枕山面水土田平行饒澤黔中一沃壤也宋咸平元年古州刺史向通展入貢明洪武五年江陰侯吳良三十年楚王湘王都督楊文皆用兵於此雖稱平定亦屬羈縻今雍正七年總督鄂公巡撫張公宣暢朝廷德威悉歸誠樂附因以其地建城城北接黎平府界有八匡冲登風坳利洞高洞東暨寨麻左襟溶江右帶都江左爲高文高武高同高寨八鐸俾隴佳兩佳化謝能黨剛九溪龍早雞底雞弄右爲喇候烏恩擺因怎冷領講養赫歸奴滾縱蜡岑人烟綿絡阡陌綺連幾既庶矣自此而東南經獨石蜡亮流至八及寨南有水自苗古九得來注之沿傳洞

亭洞平雜孖溫上下蘇洞平江寨至下江營又有小溪曰孖女江自東郎官雄流出由孖溫南來注之而東南經蜡鵝扒沙郎洞巨洞至丙妹汛北有洽裏及黎平屬之溶洞古州之八孖永從之平舍內妹等寨郎洞下有小溪曰孖覽江自寨正寨平流出北行又八孖之上有曹平江自黎平府之曹滴司流出南行並流注之又東南過懷遠縣界過相思石牌二寨經車寨梅寨沈口南下而入於粵達於海總諸水經流七達長江者四歸粵海者三舊五新闢二

按此考最稱精核故並載之惟徵引太白與宗十六留別之潯陽江作黔之烏江前賢已證其誤是亦考水道者所當知也

又按全省水道四通八達譬如滄海桐僅細流姑備採之以



爲觀水之一助

桐梓縣志

卷四

輿地志下

三四

黔南鉛石印刷局代印